

ander gerechtigkeit mitliedet nach mitdetreit nach louffte vnd gewonheit vnsers dorffes doselbs Es were dann sache das derselbe yr nachkegebuwer doselbs in eyne Jare werden vnd dohin zeihen wulde vnd mit yn tragen alle gerechtigkeit des dorffis als ein ander nach syme gebörnisse, vnd wann er doruff kouffen wulde, So sulde er ein solchs zu halten verborgen mit zcweien Ingesessen nackebuern doselbs, welcher doruber sine guter eyne usswirdigen verkouffte, der sulde vns zu busse verfallen sye eyne lotige marck vnd vnserm dorffe doselbs hundert fuder steyne, zu des dorffis nutze vnd befriddunge ane abelassen zu betzalen vnd dohin zu furen vnd welcher heymburge der desmals sesse, ab eyn sollich kouff von eyne usswirdigen gein eyne Ingesessen geschee vnd des als vorgeschriben stehet nicht halten wurde, vnd ein sollichs nicht warnte nach die Busse nicht verbrechte nach inmanete der sal mit syme kumppann die geñten Busse mitdegebin vnd betzalen Inmassen als vorgeschriben steht, vnd sulden dann auch dieselbin heymburgen des dorffis sache furdermer nicht walden nach domitde keins zuschicken habin Item ein iglich gut doselbs zu Herbisleiben in dorffe ader In felde gelegin, das do ein usswirdiger hette er sye mit yn doselbs wonhafftig gewest ader nicht, der sal sin gut verrechten mit sinen jerlichen fruchten als yn das wirdet angeslagen zu gelde an marcke vnd doruff gesatzt von der marcke zu gebin als vil als yre marcke gebin nachdeme vnd die nackebuer sust vil ander gerechtigkeit müssen thun vnd tragen von vihe pferden kuwen schaffen Swynen dortzu dann die usswirdigen keynerley hulffe ader sture tun / Auch ab kein usswirdiger guter hette zu Herbisleiben vnd wulde die tun ader verlassen vmb einen zcinss der sal kein nackebuer doselbs vmb einen zcinss bestehn by der vorgeschriben busse dorumb das die geñten guter durch solliche verlassunge gerne v̄wustet werden zu vermyden Irrethum vnd infelle die vns vnd vnserm dorffschaffe an vnser gerechtigkeit dauon zu forderne entstehn möchte / Item were auch ab ettliche nackebuer einen diep begriffen der gestolen hette den dieb sal man dem gerichte antwerten vnd